



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Imagines Sanctorvm Ord. S. Benedicti**

**Stengel, Carl**

**[Ort nicht ermittelt], M.DC.XXV**

III. Novembris. S. Pirmnivs.

**urn:nbn:de:hbz:466:1-38356**

**S** PIRMINIVS, liberalibus artibus eruditus, primùm Monachus in cænobio S. D. Mauri: deinde ad Episcopatum Meldensem euectus, mox prædicationis & efficaciam & suauitate singulari omnes longè lateq; ad se populos attraxit. Post hæc à Sintlaco rogatus, vt fidei pastorem negligentiam iam labanti in Alemanniam succurreret, vt primùm Insulam Rhero lacoq; Veneto ambitam, eò vsq; vermibus venenatis ac serpentibus infessam attigit, ita omnes venenatos vermes inde exire cõegit, vt tribus diebus, tribusq; noctibus, quâ parte enatabant, aqua vermibus coopertavideretur. Ibi Monasterio constructo Fratribus aliquandiu Abbas præfuit. Post Augiã pulsus, Alsatiam petiit, in quâ & aliis regionibus plurima fecit construi Monasteria; videlicet Altach superius & inferius; Amerspach, Morbach, Fauarias, Gengenbach, Morsmünster, Schwarzach & Neuwiler, nec non & Schuteram. Quin & S. Mauritii in Dolegiã reformauit. Tandem Monasterio Hornbach constructo ab actione se retrahens, contemplationi totum se mancipauit: nec multò post ibidem III. Nouemb. diem suum obiit, miraculis clarus. Vim. certè aduersum venena cibo aut potioni noxia alexicacam, vniuersè maiores S. PIRMINIO tribuerunt; creditumque nil noxium contrahi, vbi sumendum victum sic benedixerant.

*Sanctificet nostram sanctus PIRMINIVS escam.*

*Dextera PIRMINII benedicat pocula nostra.*

*Ex Bau. S. & Broueri siderib.*



